

Nioqputissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaat (Erngup puiaasamiittup imigassallu koffeinimik akullit akitsuutaat kiisalu kingumut atortussangortitsinermik atorunnaarsitsineq.)

§ 1

Nioqputissanik eqqussuinermi akitsuutit pillugit Inatsisartut inatsisaat nr. 19, 30. oktober 1992-imeersumi, kingullermik Inatsisartut inatsisaat nr. 21, 23. november 2015-imi allangorneqartumi, ima allanguisoqassaaq:

1. § 1, imm. 1, nr. 4, ima oqaasertalerneqassaaq:

”Nr. 4.

Mineralvandit, sodavandit, limonadet aamma imigassat kulsyrimik akullit, ethanolimik akoqanngitsut, nr. 4a-mut 4b-mullu ilaangippata, literimut 7 kr. 50 øre”.

2. § 1, imm. 1, nr. 4, litra a, kingornagut ilanngunneqarpoq:

”Nr. 4b.

Imigassat ethanolimik akoqanngitsut, koffeinimik literimut 149 mg-imit annerusumik akullit, literimut 15 kr. 00 øre”.

3. § 1, imm. 1, nr. 4, litra b-p, nutaap kingornagut ilanngunneqarpoq:

”Nr. 4c.

Imeq literimut 1 kr. 50 øre”.

§ 2

Inatsisartut inatsisaat 1. juni 2016-imi atuutilissaaq.

Imm. 2. Nioqputissanik eqqussuinermi akitsuutit pillugit Inatsisartut inatsisaata allangortinneqarneranik Inatsisartut inatsisaat nr. 21, 23. november 2015-imeersumi § 1, imm. 1, nr. 2, 9, litra c aamma d, aamma nr. 27-imi nioqputissat taaneqartut eqqunneqarnerinut akitsuut, piffissami 20. august-imit 23. november 2015-imut akitsuuteqartussaasimappata, taakkuningga eqqussinermi akitsuut atuutissanngilaq.

Imm. 3. Imm. 2-mi taaneqartut akitsuuteqartussaasut akiliisimappata, akileraartarnermut ingerlatsiviup akitsuutit akilerneqarsimasut utertissavai. Akileraartarnermut ingerlatsiviup utertitsinissamut

piumasarisinnaavaa, akitsuuteqartussaasup akitsuutini akiliisimaneranut naatsorsuutit akiliutillu uppersaataani takutitsinissaa. Aningaasat utertinneqartut ernialersorneqassanngillat.

Namminersorlutik Oqartussat, ulloq 25. maj 2016

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut